


DE
FLAGRORUM
USU
IN RE VENERIA.



62
JO. HENRICI MEIBOMII

D E

FLAGRORUM

U S U

IN RE VENERIA.

Et lumborum renumque officio,

Ad V. Cl.

CHRISTIANUM CASSIUM

Episcopi Lubecensis & Holsatiæ
Ducis Consiliarium.

Rarioris argumenti libellus.



L O N D I N I.

MDCCLXXXIV.

*Delicias pariunt Veneri crudelia Fla-
gra ;*

*Dum nocet , illa juvat , dum juvat ,
ecce nocet .*



JOAN. HENRICI MEIBOMII

DE

FLAGRORUM

USU

IN RE VENERIA.

Et lumborum renumque officio

LIBELLUS.

✕✕✕ N accipe sis tandem, amicis-
 ✕✕✕ E sime Cassi, quem ex vino
 ✕✕✕ tibi debeo, *de flagrorum* non
 adeo invulgato *usu* discursum. Eum
 enim pollicitus tibi nuper fui, quum
 apud communem utriusque nostrum
 amicum Cl. Martinum Gerdesium, Il-
 lustrissimi Principis tui Consiliarium,
 ac Collegam tuum in cœna una esse-
 mus. Primum autem, qua occasione
 vix memini, ad morborum curationes.

verbera & plagas aliquando facere dixi; quod *παράδοξον* vobis videbatur. Id vero experientia ita esse compertum, ego adserere, & ad Medicos provocare, qui passim id doceant, ac testentur. *Maniacos* sane jam olim Titus, Asclepiadis discipulus (qui sub D. Augusto vixit, ut in vitis Medicorum ostendi) lib. 11. de anima, *flagellis docuit coërcendos, ut sinistro mentis judicio depulso resipiscerent.* Testis est Cælius Aurelianus lib. 1. tardar. passion. cap. v. Ex amore melancholicos, aut insanientes, si alia nihil prosint, non pauci sunt, qui vapulare jubent; sæpe etiam errore discusso ad bonæ mentis frugem ipsos eo ingenio reduxerunt. Rhases, lib. 1. Contin. cap. 1v. subinde ex Judæo, Medico celebri, & quem in testimonium citat, *γονέρωτομην*, ubi alia nil prosint, *ligari jubet, & vapulare fortiter, & pugnis percuti, idque vicibus repetitis, si non statim subsequatur effectus.* Quum una hirundo, ut ait, *ver non faciat.* Rhasi subscribit Ant. Guainerius, Pract. tract. xv. cap. 11x.

Ec

Et Valescus de Taranta, Philonii lib. I. cap. XI. cujus verba ipsissima hæc sunt: *Si juvenis est, flagelletur culus ejus cum verberibus, & si non sistit, ponatur in fundo turris cum pane & aqua, donec veniam a sua insania petat; & teneatur in disciplina.* Si Senecæ credimus lib. VI. de benefic. cap. VII. quorundam flagellis quartana discussa est; ob atri forte lentique humoris ex flagellatione incalescentiam, & dissipationem ex motu, ut non inepte conjicit I. Lipsius, in Comm. Medicos alios gracilium corpora, ut pinguefierent & incrassarentur, virgis verberari voluisse, auctor est Hier. Mercurialis, lib. IV. de arte gymnast. cap. IX. & mangonum exemplis, id fieri posse, jam pridem ostenderat Galenus Meth. Med. lib. XIV. cap. XVI. Carnem enim ita elevari, atque ad eam alimentum attrahi, certum est. Membra insuper resoluta urticarum virentium fasciculis flagellari solere, ut calor sanguisque in partes pene emortuas alliciantur, in vulgus notum est: quas plagis ferulæ insuper

cædendas Themison voluit., lib. i. tardar. passion. apud Cæl. Aurelianum lib. ii. Chr. Cap. i. Elidæus Paduanus, Consil. Med. CCLXXXII. ad faciliorem variolarum eruptionem tenella etiam, & innoxia infantium corpora, urticarum earundem incussu con-
 verberare non veretur. Monstro fere simile est, quod de verberum usu in alvi obstructione refert Thomas Campanella, Ordinis Prædicatorum Monachus, quem Neapoli Campaniæ olim novimus. Is Medicinalium lib. iii. Cap. v. art. xii. *Princeps Venusiæ*, inquit, *Musica clarissimus nostro tempore, alvum deponere non poterat, nisi verberatus a servo ad id adscito.* Addit, *posse hoc meiui dari, cogenti spiritum ad interiora*: quod nunc non disputo. Esse vero, qui in Venerem virgarum plagis stimulentur, aut in libidinem verberibus accensi despu-
 ment, partemque illam qua viri sumus, ad flagelli numeros sonosque insurgere; hoc illud erat quod adserenti mihi tam facile credi non posse putabas. Faciam tamen ut id credas,
 mi

mi Cassi, ubi testimoniis auctorum non proletariorum, non vice simplici id usu venisse ostendero, atque argumenta insuper dixerō rationesque, ob quas fieri id ita potuisse, vel alii putarint, vel ego existimem. Nec tamen nunc de urticarum viridium in inguina incussibus verborum multum faciam. Iis enim brevitatem virgæ virilis, si sterilitas ob eam metuatur, emendari, virgamque magnificari, adfirmat Menghus Faventinus Pract. part. II. cap. de passion. membr. generat. Iisdem languentem aut sopitam Venerem excitari, vel Petronius tuus docere te poterit. Apud eum Eucolpio, *funerata erat pars illa corporis, qua quondam Achilles fuerat, & frigidior rigente bruma confugerat in viscera mille aperta rugis; lorūque in aqua, non inguen erat, ut verba sonant auctoris.* Huic cum Enothea, Priapi Sacerdos, promisisset, *fascinum tam rigidum reddituram, ut cornu; nasturtii succum cum abrotono miscet, perfusisque ejus inguinibus, viridis urticæ fascem comprehendit, omniaque infra umbilicum*

lenta manu cædit. Ego de vera fortique flagellatione tecum acturus sum, deque ea primum nunc audiemus Joanicum, Mirandulæ Comitem, qui seculo abhinc uno ac dimidio vixit. Is lib. III. contra Astrologos, cap. xxvii. de familiari quodam suo, *vivit adhuc*, inquit *homo mihi notus, prodigiosæ libidinis & inauditæ*. Nam ad Venerem nunquam acceditur, nisi vapulet. Et tamen scelus id ita cogitat; *sævientes ita plagas desiderat; ut increpet verberantem, si cum eo lenius egerit, laud compos plene voti, nisi eruperit sanguis, & innocentes artus hominis nocentissimi violentior scutica desævierit*. Efflagitat miser hanc operam summis precibus ab ea semper fœmina quam adit, præbetque flagellum, pridie sibi ad id officii aceti infusione duratum, & supplex a meretrice verberari postulat: a qua quanto cæditur durius, eo ferventius incalescit, & pari passu ad voluptatem doloremque contendit. Unus inventus homo, qui corporeas delicias inter cruciatus inveniat: & cum alioquin pessimus non sit, morbum

*bum suum agnoscit & odit . Hæc Picus .; ex quo rei meminere Joan. Nevizanus , Silvæ nupt. lib. i. num. cxxx. & Thom. Campanella , loco adducto. Quod si animi non fallor , idem etiam cum Pici hoc familiari ille fuit , cuius Cælius Rhodiginus mentionem facit. lect. antiq. lib. xi. cap. xv. & ex Cœlio Andreas Tiraquellus in lege connubiali xv. num. v. Ita autem Cœlius : Non multis ante annis vixisse quendam in veneriis non gallinacæ salacitatis , verum ingenii stupendi maxime , quodque vix impetret fidem , ex adjuratis compertum est : qui quo pluribus affectus fuisset plagis , eo impetuosius ardentiusque in concubitum ferebatur præceps . Fuit omnino mirares : nescires utrum affectaret avidius verbera , an coitum : nisi quod illorum mensura libidinis voluptas constabat . Proinde extentis præcibus disflagellari exposcebat pridie , quam id pateretur , flagello aceti asperitate obdurato . Quod si converberator lentius agere forte visus , velut exstimulante rabie , conviciis incessebat : nec factum sibi satis
arbi-*

*arbitrabatur, ni inter cædendum sanguis
 se ostendisset. Unus, opinor mortali-
 um inventus; qui eodem impetu in
 supplicium ferretur, ac delicias: qui-
 que inter tormenta sensuum titillatio-
 nes, ac æstuantem pruritum vel exple-
 ret, vel incnderet. Accedat his alius,
 consimili natura præditus ex Othone
 Brunfelsio, medico celebri: quem is,
 in Onomast. Med. in verbo *Coitus*,
 apud Monachium, Bavariæ Ducum se-
 dem, suo tempore vixisse, & cum uxore,
 res mariti agere nequiasse, nisi acriter
 ante flagris concisum, testatur. Addo
 vero & recens nuperumque exemplum,
 quod, dum Lubecæ hic ago, contigit.
 Civis quidam Lubecensis, butyri & cascorum
 propola, in platea habitans, quæ a molendinis
 nomen invenit, præter alia facinora ob
 commissum adulterium ad magistratum
 delatus, caussa que cognita urbe excedere,
 ac solum vertere jussus fuit. Meretricula,
 cui is adfuerat, coram Senatoribus
 iudicio criminali præfectis, quos vulgo
die Gerichts-Herren vocant, confessa est,
 nunquam illum acrius,
 quam*

quam virgis prius secundum dorsum ab se difflagellatum, arrexisse, & virum se præstitisse; officio vero peracto, nisi denuo flagris cæsum, vix ultra quidquam patrare potuisse. Adulter ipse idem primo quidem negare: serio tamen & severe interrogatus, non inficias ire. Testes de ipsos iudicii criminalis id temporis Senatus nomine præfectos, Thomam Stornigium, & Adrianum Mollerum, amicos meos, etiamnum, ut nosti, superstites. Quibus exemplis, quum fidem, ut puto, derogare nec velis, nec possis; videamus nunc tandem an aliqua monstrosæ hujus rei, ut videtur, reddi possit ratio. Si Astrologos consultum eas, rem omnem illi in astra referent, & cœlum accusabunt, quod peculiari occultoque influxu peculiarem ejuscemodi ac prodigiosam fere naturam hominibus aliquando conciliet. *Damnatam nempe dicent, ut Picus ait, in hominis genitura Venerem, atque adversis, ut alio modo minantibus radiis flagellatam, qua de re pluribus edocere nos satagit Francisc.*

cisc. Junctinus de judiciis nativit. cap. vi. Verum quum cœlum & astra causæ sint universales, & quæ tam particulares effectus in uno atque altero individuo caussare nequeant, rejicit eas non immerito Picus, & causam proximiorẽ quærit. Putat autem eam in familiari suo fuisse consuetudinem. Ita enim in narratione illa pergit: *A quo, diligenter tam insolitæ pestis causam quum sciscitarer; a puero, agebat, sic adsuevi. Et me rursus consuetudinis causam interrogante, educatum se cum pueris scelestissimis, addidit, inter quos convenisset hac cædendi licentia, quasi precio quodam, mutuum sibi vendere flagitiosa alternatione pudorem. Ejusdem est sententiæ Cœlius, Pici ut historiæ, ita & opinionis in causa adsignanda, transcriptor: cujus hæc verba; Quod nec mirum minus est, non latebat hominem flagitii inusitata species, sequi in eo execrabatur, ac sibi ipsi erat infestus. Cæterum consuetudine depravata amplius prævalentẽ, utebatur vitio, & improbat. Irroborarat vero ea, radicesque*

egerat altius, quod ita erat assuetus puer, communicata stupri fœditate inter æquales plagarum allocutione. Documento inde præsigni, quantum moribus inolescendis educationis possit ratio. Hæc illi. Ego vero non nego, consuetudinis vim esse magnam; ac fere in naturam eam abire, pridem me docuit Aristoteles, lib. de memor. & reminisc. cap. III. & lib. VII. Et hic. cap. X. Et notavit Ennius ubi ait

*Usus longus mos est, ac meditatio crebra;
Hunc tandem assero naturam mortalibus esse.*

Eleganterque ostendit Galenus, quantum vim & potentiam consuetudo in omnibus rebus habeat, lib. de Consuetud. cap. II. & III. alteramque naturam vocat lib. II. de temper. cap. IV. & lib. III. de simplic. cap. XIX. Forte etiam in Cœlii illo, aut Pici. exemplo, successu temporis consuetudo aliquid ad rem facere potuit. At in altero Brunfelsii, aut quod ego com-

commemoravi, caussa illa non procedet. Et cur alii ejusdem sodalitatis pueri, cum Pici familiari idem non passi sunt? inquit Thomas Campanella superius adducto loco. Consuetudo enim particulariter tantum aliquid caussat, atque in uno aut altero saltem individuo. Neque omnes isti quos recensuimus, ab ineunte ætate flagitiosa illa alternatione pudorem sibi invicem vendidisse, aut flagris in Venerem primis ab annis se invitasse, verisimile est. Gratulamur nos Germaniæ nostræ, quod scelera ista perversæ Veneris, & puerorum contumeliæ, aut mutuæ alternæque marium inquisitiones in ipsa fere ignorentur, aut ab aliquo forte perpetratæ (si tandem exemplum reperiatis) severe flammis ultricibus puniantur. *Nihil tale novere Germani: & sanctius ad Oceanum vivitur*, dicebat olim de majoribus nostris Quinctilianus, Declamat. pro milite Mariano; cujus pudicitiam tentaverat Tribunus; qua de re plura diximus in Comment. ad jusjur. Hipp. cap. xlix. Quum itaque nec astra,

nec

nec sola consuetudo in caussa sint , ob quam flagra libidinem concitent , videamus porro , num alia quæpiam subesse queat ; quam ut investigemus , utique paullo altius nobis res fuerit arcessenda . Sciendum igitur , flagellationem istam , virgarumque incussus , non alibi quam in dorso factos : quod & meretricula Lubecensis illa confessa est , & de cæteris æque certum est . Neque enim partes illæ , quibus viri sumus , virgarum flagra , & quidem ad sanguinis eruptionem , ferre queunt : & communiter flagra tergo sive dorso incutiuntur . Dorsi autem potissimam partem absolvunt lumbi . Pars nempe illa corporis , cujus fundamentum sunt quinque vertebræ , quæ post thoracis vertebrae locatæ , ad os sacrum continuantur . Has muscoli , & cum adipè cutis extrinsecus tegunt , intrinsicus muscoli succingunt , quos Græci *Joas* appellant . Iis porro incumbunt renes , dexter & sinister , unus in quoque latere , & quatuor fere vertebrarum spatium sua magnitudine occupant ; ac venæ cavæ arteriæque magnæ

gnæ annectuntur . Tam a vena autem cava , quam arteria magna , magna & insignia renes in se recipiunt vasa, quæ *emulgentia* vocant ; uterque nempe utrinque vas unum ; venam & arteriam : quæ per ramos deinde in ipsam eorum substantiam varie disperguntur . Dextra parte venæ cavæ , sub ipsa emulgente , oritur *seminaria vena dextra* , & eodem loci ex arteria magna , *arteria seminaria* , utraque ad testiculum dextrum descendens . Parte sinistra , arteria seminaria ex magnæ arteriæ trunco , vena vero seminaria ex sinistra vena emulgente profectæ , sinistro testiculo inseruntur . Nec desunt nervi , qui ex spinalis medullæ portione , in prædictis vertebris contenta , ad renes mittuntur , nec in eorundem tantum tunicas , sed substantiam quoque pertingunt . Ex ipsa demum cavitate renum , ureteres producti vesicæ implantantur . Hæ partes omnes , ut una lumborum appellatione venire possunt : ita unum communemque etiam iis usum adsignari par erat , ut recte statuit Marsil. Cagnatus Variar.

riar. Lect. lib. iv. cap. vii. In singularum quidem partium usum, ossium, musculorum, renum, vasorumque, sat accurate inquisivere auctores, at quem in commune omnes conferant, insuper habuerunt investigare. Cagnatus omnes, quamque tamen suo modo, semini tum elaborando, tum ipsi generationis operi perficiendo, quod naturalissimum vocat Philosophus lib. ii. de. an. text. xxxv. dicatus censuit. Neque alio videntur inclinare Hieron. Montuus Pract. part. i. lib. iv. cap. ult. & e Jctis vestris Andr. Tiraquelius, L. Connub. xv. num. xl. xli. xlii. Atque id quidem non immerito, nec temere. Tale quid enim & lumbis, & renibus, ac lateribus, tum sacræ literæ, tum antiquitas omnis, siue sacros, siue profanos scriptores consulas, unanimi consensu jam olim attribuerunt. Et sacræ quidem literæ opus generationis lumbis non uno in loco deferunt, ut Genesios cap. xxxv. vers xi. *Reges de lumbis tuis egredientur*; & apud Apost. Epist. ad Hebr. cap. vii. vers v. *Filii Abraham*, dicuntur

cuntur ; *egressi de lumbis ejus* ; & vers. x. *Levi in iisdem fuisse* dicitur . Unde Origenes , dum Homil. i. in illud Psal. xxxvii. v. iix. *Lumbi mei impleti sunt illusionibus* : commentatur ; *In lumbis* inquit , *humanorum seminum receptaculum esse dicitur , ex quo illud genus indicatur peccati , quod per libidinem geritur* . Et proverbium est apud Hebræos , ut *lumbos præcingere* , aut *succingere* , dicant pudicitiam servare , & a libidine sibi temperare . Hoc respectu Jehovah ad Jobum , Jobi C. xxxiix. v. iiii. & C. xl. v. ii. *Accinge sicut vir lumbos tuos* , h. e. sicut vir fortis restringe luxuriam : *ut in iis sit* , inquit Isidorus Orig. lib. xi. cap. i. *resistendi præparatio , in quibus libidini est usitata dominandi occasio* . Huc trahit D. Hieronymus Comm. in Nahum , illud Prophetæ c. ii. v. i. *Contemplantur viam tuam , conforta lumbos , roborata virtutem valde* . Uti & illud de Johanne Baptista , Matth. c. xiii. v. iv. *Habuit zonam pelliceam circa lumbos suos* . Neque aliter intelligendus Esaias cap. xxxii. vers. xi.

Je-

Jeremias cap. i. vers. xvii. D. Paulus ad Ephes. c. iv. vers. xiv. neque Salomo, qui de muliere forti & pudica ait : *Accinxit fortitudine lumbos suos* Proverb. ult. vers. xvii. Apud D. Petrum vero Epist. i. cap. i. vers. xiii. *succinctum esse lumbos mentis*, est luxuriam a cogitationibus arcere, ait Montuus loco laudato. Fallor etiam, an & Romani huc oculum intenderunt? quando *cinctum esse*, modestiæ, disciplinæ, modestique animi putarunt argumentum, *discinctum* vero mores dissolutos notare : quæ de re plura dixi in Mœcenate. Hodie in Galliis moris est, ut iis, quibus Apollinaris laurea tribuitur, fascia sericia, tanquam insigni quopiam lumbi succingantur. Eo Franc. Ranchinus Comm. in Jusjur. Hipp. castitatis necessitatem in Medicis notari censet; Zonam enim renum coercionem indicare, & effrenatæ lumborum cupiditatis abstinentiam. Hinc Dianam, castitatis Deam, semper zonam gestare ab antiquis creditum : Hinc *zonam* solvere in verbis esse nuptis, & virginitatis imminutionem

nem notare . Et recte Aetius Tetrab.
I. serm. III. cap. IIX. Veneris usum
nocivum esse ait illis , qui lumbos
aut renes habent imbecilles . Eamque
ob causam Petronio in Satyrico ,
lumbi soluti , sunt Venere enervati .
Sed & podagricum se esse , inquit ,
lumborumque solutorum omnibus dixe-
rat . Tales Catullo Epigr. XVI. sunt ;

Qui duros nequeunt movere lum-
bos .

Quibus opponit Martialis lib. v. Epi-
gram. LXXIX.

Lascivos docili tremere lumbos .

Et Auctor Carminis liberi *fluctuantēs*
lumbos Carm. XIIX.

Ecquando Theletusa circulatrix
Crissabit tibi fluctuante lumbo .

Fluctuare enim est crebro moveri , &
ad exemplum fluctuum inquietari .
Græcis est *μικροδαι* , Latinis *crissare* .
Inde

Inde *πρωμα*, impudicæ saltationis genus. Et respicit huc Persius Sat. I. ubi de lascivis versibus, & quæ libidinantem pruritum auditoribus excitant; ait:

*... cum carmina lumbum
Intrant, & tremulo scalpuntur ubi
intima versu.*

Et Juvenalis Sat. VI. de tibiis Sacerdotum Bonæ Deæ:

*Nota Bonæ secreta Deæ, cum tibia
lumbos
Excitat, & cornu pariter vinoque
feruntur.*

Quare etiam Isidorus loco adducto *lumbos* ob libidinis lasciviam dictos vult, quod viris caussa corporeæ voluptatis in ipsis resideat. Nicolaus Perottus, in Cornucop. planius a libidine seu appetentia deducit. Esse enim *lumbos* a *lubendo*, insertam littera, quod sæpe usu venit. Ita *cumba* a *cubo*, a *pago pango*, a *frago fran-*
B go.

go, ait doctissimus Matth. Martinus, in Lexico Etymol. Atque ut lumbis, ita & renibus, lumborum parti, & quidem principi, si conformationem spectes, idem officium tribuitur. Hos enim ad generationis officium facere lib. II. Reg. innuitur, cap. VII. vers. XII. *Filius qui egreditur de renibus tuis*. Unde Tertullianus lib. de carnis resurrect. vocat *renes concios seminis*. Hesychius Presbyter, quem corrupte Ificium vocant, Comment. in Levit. lib. I. *Renēs*, inquit, *sunt coitalium seminum ministeria*: & mox: *in renibus coitalis operationis sunt semina*. D. Augustinus enarrans Psalmi VII. v. II. scribit nomine *renum delectationes Venerias intelligi*. D. Hieronymus Comm. in Nahum Prophetæ c. II. *Omnia ait, opera, quæ ad coitum pertinent, renum appellatione venire*: quod fere repetit Comm. in Ezechiel. c. XVI. Verba insuper illa Jeremiæ, c. XVII. vers. X. & Apocalyps. c. II. vers. XX. *scrutans renes & corda*; Nicolaus Lyra explicat: *examinans & puniens concupiscentias & cogitationes malas*.

malas . Per *cor* nempe *cogitationes* ; per *renes* in sacris literis *concupiscentia* intelliguntur . Itaque Psalmog. Ps. xxvi. v. ii. Deum rogat , ut *renes ipsius & cor urat* ; & ex ipso Ecclesia in Hymno illo . *Ure igne sancti Spiritus , renes nostros , & cor nostrum Domine* ; ut tibi casto corpore serviamus , & mundo corde placeamus . Et communiter Theologi per id , quod Exodi xii. vers. ii. precipitur iis , qui agnum paschalem comedebant , ut *renes accingant* , intelligunt *refrenationem libidinis* . Ausonius *renibus uti* , usurpavit pro *libidini indulgere* Epigr. xiii. *Uttere rene tuo* . Et vulgo joculari sermone nostratibus *renes purgare* dicuntur , qui Veneri litant . Quæ causa est , cur Hippoc. lib de morb. int. Aristoteles Prob. sect. iv. Probl. ii. Galenus lib. vi. Comm. vi. Aetius Tetrab. i. serm. iii. c. viii. Avicenna lib. iii. sen. iix. tract. ii. c. xi. plurimique Medicorum alii , Veneris usum nimium renibus obesse nos docuerunt . Quæ caussa etiam est , cur Fulgentius Mythol. lib. iii. *Ve-*

neri renes dicatos scribat . Quod si etymologiam denique nominis , & originationem inquisieris , Varroni . Romanorum doctissimo , ut vocat Quintilianus Instit. Orat. lib. x. cap. i. *renes* dicti fuere *απο το πριον*, quasi *rivi* ab his obsceni humoris , puta seminis , oriantur , si Lactantio credimus lib. de Opific. Dei c. xiv. & Isidoro Orig. lib. xi. c. i. Neque est , ut per obscœnum humorem urinam intelligas , quibusdam placere video . Explicans enim Varronem Isidorus , *Venæ & medullæ* , inquit , *tenuem liquorem desudant in renibus* , qui liquor rursus a renibus calore Venerio resolutus decurrit : quod de urina nemo sanus dictum adserat . Et Hebræi *renes* a concupiscentia appellant בליות . Nam בלה est *efflictim cupere* . Et quia renes in lumbis ad *latera* sunt siti , hæc etiam ad Venerem & opus generationis facere , creditum fuit . Hinc apud Ovidium lib. i. Amor. El. iix. pudicissima illa scœminarum , ut credebatur , procorum vires probatura , & robustum la-

tus ,

tus , arcum ipsis proponit , jubetque
νευτερον ενταυτοισι :

*Penelope vires juvenum tentabat
 in arcu ;
 Qui latus argueret , corneus arcus
 erat .*

Nec inficias it Penelope ipsa in Car-
 mine libero Epig. LXIX. ad procos .

*Nemo meo melius nervum tendebat
 Ulysse ;
 Sive illi laterum , seu fuit artis
 opus .
 Qui quoniam periit , modo vos in-
 tendite ; qualem
 Esse virum sciero , vir sit ut ille
 meus .*

Hinc El. x. Ovidio lib. II. Amor. la-
 teri vires dare , est concitare in libi-
 dinem ;

*Et lateri dabit in vires alimenta
 voluptas .*

Et Apuleio lib. *ix.* *industria laterum* est potentia in rebus Veneriis : *Forrissimum* , ait , *adducam resticanum* , *industria laterum atque imis ventris bene præparatum* . Juvenali vero & Ovidio *lateri parcere* , est a Venere temperare . Ita enim ille de Catamito , Sat. *vi.*

— *Nec queritur , quod
Aut lateri parcas , nec quantum
jussus anheles .*

Hic vero lib. *ii.* de arte :

*Et lateri ne parce tuo : pax omnis
in illo est .*

Contra Martiali lib. *xi.* Epigr. *cv.* *latus rumpere* , est Veneri nimiam operam dare :

*Et juvat admissa rumpere latus
latus .*

Et lib. *xii* Epigr. *xcix.*

Rumpiis

*Rumpis Basse latus , sed in co-
matis .*

Item Tibullo , aut si quis alius est
auctor , in jambis ad Priapum .

*Et inquietus inguina arrigat tu-
mor ,*

*Neque incitare cesset , usque dum
mihi*

Venus jocosa molle ruperit latus.

Petronius in Satyrico dixit *latus con-
vellere* . *Timcham* , inquit *ne frater la-
tus convelleret* . Alibi etiam *latera in-
valida , emerita , exfututa , defecta , &
defessa* , sunt Venere exhausta . Ovid.
Amor. lib. III. Eleg. x.

*Vidi ego cum foribus lassus pro-
diret amator ,*

*Invalidum referens , emeritumque
latus ,*

Catullus Epigr. VII.

*Cur non tam latera exfutura
pandas?*

Priapus in Carmine libero. Epigr. xv.

*Ipsi cernitis exfututus ut sim.
Confectusque, macerque, pallidus-
que, &c.
Defecit latus, & periculosam.
Cum tussi miser expuo salivam.*

Suetonius in vita Caligulae c. xxxvi.
Valerius Catulus, consulari familia ju-
venis, stupratum a se Caligulam, ac
latera sibi contubernio ejus defessa,
vociferatus est. Apulejus lib. viii.
Diu vivas; & Dominis placeas, &
meis jam defectis lateribus consulas,
Ex quibus omnibus tam clare liquet,
ut Plauti verbis hic utar,

*Quam solis radii olim, quum su-
dum est, solent*

neque novam esse opinionem, aut
nuper natam, sed fundamentum ha-
bere in unanimi totius antiquitatis con-
sen-

sensu, sacrarum etiam literarum testimonio firmatam, lumbos, luborumque partes, renesque ad generationis opus facere. *Communis* autem *sententia*, seu *Doctorum opinio*, ut Jurisperiti tui loquuntur, Cassi, *non potest totaliter esse falsa*. Quæ itaque ei rei subsit ratio, operæ precium, nunc porro fuerit inquirere. Simul enim & causam invenerimus, ob quam lumbis inflictae plagæ & flagrorum verbera, libidinis sint incentivum. Cagnatus quidem, & qui ipsi favere videtur, Montuus, rem omnem lumbis tribuit, quatenus ex iis constituuntur partibus, quas paullo ante recensuimus. Ex vertebra nempè, musculis, renibus, venis, arteriis, nervis. Ita tamen, ut venis & arteriis seminariis principatum tribuat, ut quæ & materiam semini præbeant, albescentemque humorem, qui vel semen jam sit, vel mox futurus, in se contineant, & a se ad testes amandent. Atque ab hoc humore, in venis arteriisque turgente seminis projiciendi prolubium ait excitari, & pollutiones nocturnas

caussari, in iis præsertim, quibus ob decubitum in dorsum vasa illa incallescunt. Bartholomæus Montagnana Consil. Med. xxxvii. & Nemesius Philosophus lib. de nat. hom. c. xxvii. renibus, parti lumborum, rem totam transcribunt; quod & Ioh. Matthæus facit, Quæst. Med. xc. Garyopontus, medicus Latinus, sequioris tamen ævi, lib. iii. Pract. c. xxxiv. & nuper Cl. Dan. Sennertus, Præceptor olim noster, & amicus, dum in vivis erat, honorandus, Pract. lib. iii. part. vii. Sect. i. c. i. Nec tamen omnes illi eodem modo rem explicant. Barthol. Montagnana quidem, examinans Avicennæ locum lib. xix. fen. iii. c. de renibus & ren. calc. *Subtiliter*, ait, *memorandum est, propter quid renum debilitas ab Avicenna dicatur caussa defectus coitus.* Et postquam dixisset, materiam seminalem perfectionem adæquatam indipisci a testium temperie & facultate, subjungit; *materiam eandem necessum habere prædisponi in membris superioribus, in quibus potentior sit vis digestiva, ut in hepate & renibus:*

ribus : in illo nempe remotius , in his
proximius . Et proinde concludit . *im-*
possibile esse semen verum generari ,
nisi membra illa , hepar nempe & re-
nes , sint debite complexionata & or-
ganizata , in complexione & unitate
sua . Nemesius vero salsedinem tan-
tum quandam a renibus ad testes tran-
smitti putat , quæ appetitum , aut pru-
ritum potius , in genitalibus excitet ,
atque ita suo quodam modo ad Ve-
nerem faciat . *Renes* , inquit , *sunt*
sanguinis purgamina , & ad coitum
sunt causa appetitus . Nam *venæ quæ*
in geminos delabuntur , per renes tran-
smeant , & illinc acorem quendam hau-
riunt appetitum irritantem , eo modo
quo sub cute genitus acor pruritum fa-
cit ; & quo geminorum pulpa cute est
mollior , eo magis illi ab acore lanci-
nati , furiosam ad egerendum semen ir-
ritant cupidinem . Neque aliud innuunt
Isidori verba paullo ante adducta .
Atque eadem fere est Io. Matthæi sen-
tentia , nisi quod reni sinistro hic
plus tribuat , quam dextro . *Vena enim*
seminalis sinistra , inquit , *emulgenti*

juxta renem sinistrum implantata, sanguinem multa salsedine aquosa dilutum ad excitandam *ορμη* & generationis stimulum subministrat. Garyopontus ait, renes natura musculosos esse, & nervos ipsorum inhærere cavernis, quæ genitale semen contineant. vim nempe *σπερμικτ. ποσιν* ipsis tribuit, atque ita tribuit ut ipsum in illis semen elaborari & contineri credat. Quæ sententia etiam est Cel. Sennerti, quamvis hic longe aliæ ratione eam proferat, & dilucidius mentem suam explicet, ac proximius ad *αυτοφαιν* Anatomicam, quam Garyopontus. A Renibus nempe non stimulum saltim partibus genitalibus communicari, sed semen ipsum in iis elaborari, atque ab iisdem porro transmitti censet. Idque ex eo primum colligit, quod renes peculiare parenchyma habeant, a cordis substantia, ut adparet, non multum differens, aut hepatis potius simile, ut vult Aretæus lib. II. de morb. diut. c. III. Peculiari autem parenchymati, quæ Galeni est maxima, lib. VI. de decretis Hippocr. & Plat. peculiaris

ris

ris vi sanguinem elaborandi , ut ceterorum viscerum parenchymasi , denegari nequit . Deinde , quum vena emulgens venarum omnium a vena cava prodeuntium sit maxima , & plus sanguinis in renes advehat , quam iis requiratur alendis : arteria insuper amplior sit , quam seroso humori depurando sit opus , verisimile esse credit , naturam , quæ nihil frustra facit , vasa illa tanta amplitudine nunquam efformasse , nisi peculiarem finem spectasset . Quem quidem finem non alium esse concludit , quam sanguinis arteriosi ad renes delationem , ut in ipsorum substantia cum sanguine venoso mixtus , & alteratus , semini generando materiam suppeditet , ad testes deinde transmittendam unde porro quærit , qui fiat , nisi sententiâ hæc admittatur , quod sapor illè , ac odor , qui in animalibus pluribus non castratis , per universum corpus diffunditur , maxime tamen in renibus percipiatur , ac potissimum in animalibus adultis : in novellorum ac teneriorum renibus , dum nondum fœminas ineunt , non

re-

reperiatur? Addit præterea ex Oribasio lib. vi. Collect. c. xxxiix. ex re-
tento semine renes male affici; inter
calidorum renum signa a Medicis re-
censeri propensionem ad libidinem,
somnia libidinosæ, & nocturnas in
somno pollutiones; qualitates insuper
seminis ex renum constitutione Prac-
ticis deduci. Denique in gonorrhœa
lumbis ad renum regionem pro semi-
ne imminuendo aut alterando remedia
adplicari, ex Aretæo docet, lib. ii.
Chron. c. vii. & Alex. Tralliano lib.
xi. c. ix. Atque huic Sennerti sen-
tentia probandæ adde quod Plinius
habet lib. xxxiv. c. xviii. *Plumbum,*
ad alligatis lumborum & renum parti
laminis, frigidiore natura inhibere impe-
tus Veneris: additque exemplum: *Cal-*
vum Oratorem, visa Veneria sponte, na-
tura erumpentia, usque in morbi genus
his laminis cohibuisse. Adde Galenum
lib. v. de tuenda valet c. ult. lib. vi.
de loc. aff. c. ult. & lib. xiv. meth.
med. c. vii. qui athletas similiter ad
pollutiones nocturnas inhibendas, &
Veneris impetus compescendos, lami-

nas plumbeas adhibuisse scribit, & lumbis ceratum ex simplici rosaceo, cum aqua frigida subacto, applicat in priapismo. Adde Aetium, qui cum Theod. Prisciano lib. II. c. XI. lumbis non tantum laminam plumbeam, & refrigerantia adhibet, sed decubitus etiam supinum damnat ne partes lumborum incalcescant, & malum inde augeatur, Tetrab. I. serm. III. c. XXXII. & XXXIII. Adde Oribasium Synops. lib. IX. c. XXXIX. & XL. & Paullum Aeginetam lib. III. c. LV. & LVI. quorum uterque idem statuit; hic vero etiam urinas scientia medicamenta in gonorrhœa prohibet, ne renibus in lumborum regione positus noceant. Nec latuit hæc res Avicennam, qui lib. III. sen. XIX. cap. IX. inter signa renum extenuatorum, & exoletorum, ponit defectum coitus; & c. XI. causam debilitatis renum inter alia facit frequentio rem coitum: & c. XIII. ad debilitatem renum corrigendam coitus suadet abstinentiam. Nec ignoravit Aaron, medicus celebris apud Rhasen, lib. XI. Contin. c.

v. qui ait . *Si erectio veretri fueri debitis , erit caussa ex hepate & renibus.* Et trahendus huc Aristoteles, qui animantia alia , præter hominem , gonorrhœa non laborare ideo putavit , quod in dorsum non decumbant , Probl. sect. x. pr. xlii. Nec videntur hanc rem ignorasse matronæ Athenienses , quæ in Thesmophorion festo (quando seorsim cubabant a viris ,

*Perque novem noctes Venerem tantusque virileis
In vetitis numerabant ,*

ut Ovidius loquitur lib. xi. Metam. fab. xi.) ex *αγνυ* Latini *viticem & agnum castum* vocant , cubitus sibi sternebant *Vitex* enim ille , frutex est , seu arbuscula , libidini restinguendæ dicata . Igitur ejus folia dorso substernebant , ut eo modo vim seminis generandi , & libidinem concitandi , in renibus , partibusque vicinis morarentur . Historiæ meminere Dioscor. lib. i. c. cxvi. Plin. lib. xxiv. c. ix. Galenus lib. vi. de simpl. med. fac.
Ælian.

Ælian. de anim. lib. ix. c. xvi. Neque alia est caussa, ob quam renes animalium, & præcipue hirci, ad coitum; atque ab Aëtio partes quæ sunt circa renes scinci, ad tentiginem fascini excitandam commendantur, loco adducto c. xxxv, Nisi quod analogiam quandam habeant, & similitudinem cum renibus humanis, ob quam juvare eos credantur, & ad officium generationi destinatum excitare. Quemadmodum & iis, qui minus in Venerem sunt prompti, inter alia medicamenta, unguenta calida, non partibus pudendis tantum, sed renum etiam regioni intungenda, præscribi solent; & diuretica valida, ut cantharides; ac decubitus in dorsum imperari; ut & renes hoc pacto incalescant; & semen ad testes concitetur, ac qui in Venerem frigidi languent, reaccendantur. Unde Rhases lib. xi. Contin. c. v. *Quoties, inquit. fricantur lumbi cum medicinis calidis, vetrum crescet in erectione, & magnificabitur.* Et Misih Arabs, in Summa apud eundem Rhasen; *Calefactio dor-*
si,

si, ait, subvenit ad luxuriam: (h. e. facit irritandæ libidini) & sicut in-
frigidatio ejus & dormitio super folia
frigida, diminuit luxuriam, ita cale-
factio auget in luxuria mirabiliter. Ex
 quibus omnibus primum hoc conclu-
 dimus, facere quidem ad Venerem
 exercendam lumbos, ut ex partibus
 suis constituuntur, & cum primis ve-
 nas & arterias, ut quæ materiam ac
 spiritum deferant, quod volebat Ca-
 gnatus; præcipuum tamen organum
 esse renum *πρηχουα*, cujus beneficio
 semen primum incipiat elaborari, per-
 fici deinde porro, & æquabilitatem
 indipisci in vasis, quæ & Sennerti,
 ut patuit, & nostra est sententia.
 Nec tamen de nihilo est, quod Ne-
 mesius notabat cum Isidoro, & Mat-
 thæus, salsedinem quandam, & sero-
 sam materiam simul semini commu-
 nicari & tentigni excitandæ a renibus
 ad testiculos *adimplaustari*, quod ver-
 bi hac ipsa in re usurpat Papias Gram-
 maticus, in Vocabulario, Concludi-
 mus porro, flagra dorso sive lumbis
 inflicta, quia partes semini generando
 di

dicatæ , ac semen ad genitales partes deferentes , ab iis incalescunt , in Venere excitanda , aut libidine , multum posse . Unde non mirum ~~extincti~~ illos pudoris bipedes libidinisque abominandæ victimas , de quibus egimus ; aut alios nimia Venere exhaustos , lumborum partibus defectis lumbisque solutis , a flagris remedium quævisisse . Horum enim incussu partes refrigeratas verisimile est rursus incalescere , ac materiæ seminali fervorem conciliari , accedente præsertim partium verberatarum dolore , qui facit , ut uberis sanguis , spiritusque attrahantur , donec calore ipsis etiam generationis instrumentis communicato , male feriatæ voluntatis desiderium expleatur , & natura etiam invita , atque ultra modum potentiæ suæ , vi in flagitia adigatur . Hæc mea est sententia , mi Cassi . At inquires , illi quidem , de quibus tu agis , abominanda libidine exhausti , ut illicitam Venerem continuarent , porroque in eodem scelerum cæno se volutarent , remedium hoc usurparunt . Quæro autem ,
post.

postquam res ita habet , an non eodem non secus ac medicamentis aliis , citra crimen ac reprehensionem , uti is etiam possit , qui licitæ quidem Veneri addixit operam , latera tamen , & quæ præterea utramque hic paginam implere dedebant , languidiora experitur , aut plane ut Virgilii utar verbis ex lib. III. Georg.

*Frigidus in Venerem fertur , frustra
 & que laborem
 Jucundum trahit , & si quando
 ad prælia ventum ,
 Ut quondam in stipulis vanus sine
 viribus ignis
 Incassum furit ;*

ut creditricis etiam , non dicam debito , sed nec ^{tu} interesse saltem sit solvendo ? Quidni vero , amice Cassi ? Te quidem , remedii id genus ut usurpes minime opus habere , juramento quinquagenario contendere paratus sum . Aliud nempe de te , qui Medicus audio , atque hac in te ex artis præscripto judicare quidpiam aut pos-

possim, aut debeam, non falsus conjectator pridem præsumpsi. Aliud modo testatur nuptæ novellæ & musteæ uterum recenter verminans, testis omni exceptione major, & cui fides merito arbitranda, cui felicem etiam justo tempore λυσιν Deum poscimus. Ut cum aliis idem communices remedium si qui sint, qui opus habeant diffлагellate,

*Qui valide intorto verberare terga-
secet;*

nullus vetabo. Αφθονος esse oportet non Μισων tantum δυνασει, quod vulgo dici solet, sed αερων maxime. Invidentiæ enim crimen, ut Scribonius Largus ait in Epistola ad C. Julium Callistum, quum omnibus invisum esse debent, tum præcipue Medicis: in quibus nisi plenus misericordiæ & humanitatis sit animus, secundum ipsius professionis voluntatem, omnibus Diis & hominibus invisi esse debent. Ego tamen in tui saltem gratiam, ο φιλον κερκ, quum ita volueris, animi mei sententiam liberius

rius paullo tibi explicare volui. Tu boni qualia qualia consule, & me tuum porro ama, quod facis, jocisque innoxiiis, qui in seria tamen ducunt, veniam impertire & bene vale.

F I N I S

VIA
1509093